



Broj: 02-04- 1 /25

Prača: 14. 01. 2025. godine

Na osnovu člana 24. Statuta Općine Pale ("Službene novine Bosansko-podrinjskog kantona Goražde", broj: 19/07, 11/08 i 6/13), člana 5. Pravilnika o dodjeli stipendija ("Službene novine Bosansko-podrinjskog kantona Goražde", broj: 9/22) i Rješenja o imenovanju Komisije za dodjelu stipendija, broj: 02-03-128/24 od 24.09.2024. godine, Komisija za dodjelu stipendija raspisuje:

KONKURS

ZA DODJELU STIPENDIJA UČENICIMA SREDNJIH ŠKOLA I REDOVNIM STUDENTIMA ZA ŠKOLSKU/AKADEMSKU 2024./2025. GODINU

I. OPĆI USLOVI

Pravo na stipendiju mogu ostvariti:

- redovni studenti prvog i drugog ciklusa studija koji imaju prebivalište i boravište na području Općine Pale za koje finansijska sredstva osigurava Općina Pale,
- učenici srednjih škola koji imaju prebivalište i boravište na području Općine Pale za koje finansijska sredstva osigurava Općina Pale.

Mjesečni iznos stipendije za učenike srednjih škola je u iznosu od 100,00 KM, a za redovne studente prvog i drugog ciklusa u iznosu od 130,00 KM.

Stipendije se isplaćuju za jednu školsku godinu i isplaćivat će se 7 (sedam) mjeseci u kojima se nastava odvija u školskoj godini.

O broju stipendija odlučuje Komisija za dodjelu stipendija u skladu sa planom budžeta Općine Pale.

II. IZBOR KANDIDATA I KRITERIJI ZA BODOVANJE

Opći kriteriji za dodjelu stipendija:

- 1) da je kandidat državljanin Bosne i Hercegovine,
- 2) da ima prebivalište na teritoriji Općine Pale u FBiH,
- 3) da je redovan učenik srednje škole,
- 4) da je redovan student na jednoj od javnih visokoškolskih ustanova u Bosni i Hercegovini,
- 5) da nije i da neće biti korisnik stipendije, kredita ili drugog oblika novčane naknade koja ima obilježje stipendije od nekog drugog pravnog ili fizičkog lica,

- 6) da na dan objavljivanja javnog Konkursa nije stariji od 19 odnosno 25 godina života.

Posebni kriteriji za dodjelu stipendija:

- 1) postignuti rezultati u učenju i vladanju,
- 2) redovni studenti prvog i drugog ciklusa studija koji imaju prebivalište i boravište na području Općine Pale,
- 3) učenici srednjih škola koji imaju prebivalište i boravište na području Općine Pale,
- 4) redovni studenti koji imaju prebivalište i boravište na području Općine Pale.

Pravo na stipendiju ne mogu ostvariti:

- 1) studenti koji imaju status apsolventa,
- 2) studenti u radnom odnosu,
- 3) studenti koji su zasnovali bračnu zajednicu, a koji apliciraju za stipendije iz sredstava Općine Pale,
- 4) učenici koji se vanredno školuju i obrazuju u srednjim školama.
- 5) učenici srednjih škola i redovni studenti prvog i drugog ciklusa studija čiji brat/sestra su korisnik stipendije iz sredstava Općine Pale.

Kandidati za dodjelu stipendija uz zahtjev prilažu sljedeću dokumentaciju:

- 1) uvjerenje o državljanstvu (original ili ovjerena fotokopija),
- 2) uvjerenje o stalnom mjestu prebivališta, izdato nakon objavljivanja Konkursa,
- 3) dokaz/potvrda za studente da imaju status redovnog studenta,
- 4) ovjerenu fotokopiju indeks - prva strana za studente,
- 5) potvrdu srednje škole da je kandidat koji se prijavljuje na konkurs učenik iste,
- 6) kućnu listu,
- 7) pismenu izjavu da kandidat nije i da neće biti korisnik stipendije, kredita ili drugog oblika novčane naknade koja ima obilježje stipendije od nekog drugog pravnog ili fizičkog lica u tekućoj školskoj/akademske godini, ukoliko ostvari pravo na stipendiju Općine Pale,
- 8) pismenu izjavu kojom se daje saglasnost Općini Pale za objavu ličnih podataka prilikom objave rang liste, odnosno rezultata Konkursa i dr. na web stranici Općine Pale i drugim sredstvima javnog informiranja,
- 9) uvjerenje/dokaz o položenim ispitima/predmetima iz prethodne školske/akademske godine s izračunatim prosjekom ocjena (studenti prve godine studija prilažu ovjerenu fotokopiju svjedodžbe završnog razreda srednje škole, učenici prve godine srednje škole prilažu ovjerenu fotokopiju svjedodžbe završenog razreda osnovne škole)
- 10) izjavu (**samo za kandidate starije od 18 godina**) da nije zasnovao/la bračnu zajednicu ukoliko aplicira na stipendiju za koje finansijska sredstva obezbjeđuje Općina Pale.
- 11) studenti prve godine studija prilažu odgovarajući dokaz ukoliko su dobitnici priznanja Učenik ili Ponos generacije i slično,
- 12) dokaz za osvojeno prvo, drugo ili treće mjesto na kantonalnom, regionalnom, entitetskom, državnom ili međunarodnom takmičenju u prethodnoj školskoj/akademske godini,
- 13) dokaze o ukupnim mjesečnim приходima/primanjima za punoljetne članove porodičnog domaćinstva (izuzev onih koji imaju status redovnog učenika ili studenta) po osnovu: radnog odnosa, penzije, samostalne djelatnosti, boračko-invalidske zaštite i drugih osnova (za uposlene uvjerenje o visini primanja, iz koje se vide stvarna primanja, za penzionere ček od penzije za posljednji mjesec, za nezaposlene članove domaćinstva uvjerenje Zavoda za zapošljavanje, a ukoliko se ne vode na Zavodu za zapošljavanje dostaviti uvjerenje iz poslovnice PIO/MIO da se

- ne vodi kao osigurano lice po osnovu radnog odnosa ili ovjerena fotokopija zdravstvene knjižice iz koje se mogu vidjeti podaci o osiguranom licu, osnovu osiguranja i srodstvu sa osiguranikom,
- 14) dokaze za roditelje: dijete šehida – poginulog borca, bez jednog ili oba roditelja (izvod iz matične knjige umrlih), dokaz o učešću u obrambeno-oslobodilačkom ratu tokom oružane agresije na RBiH (najmanje 24 mjeseca), dokaz o invaliditetu roditelja,
 - 15) dokaz o ličnom invaliditetu kandidata za dodjelu stipendije.

Obaveznom dokumentacijom za studente smatra se dokumentacija **alineja 1, 2, 3 i 4.**

Obaveznom dokumentacijom za učenike smatra se dokumentacija iz **alineja 1, 2 i 5.**

Ostalom obaveznom dokumentacijom za kandidate (i za studente i za učenike) smatra se dokumentacija iz **alineja 6, 7, 8, 9 i 13.**

Obaveznom dokumentacijom, samo za kandidate starije od 18 godina, smatra se dokumentacije iz **alineje 10.**

Ostala dokumentacija smatra se ne obaveznom ali utiče na bodovanje kandidata.

Napomena: Dokazi o ispunjavanju navedenih uslova moraju biti originalni ili ovjerene fotokopije koje nisu starije od šest (6) mjeseci.

III. BODOVANJE KANDIDATA

Osnovni kriterij bodovanja kandidata za dodjelu stipendije je sljedeći:

bodovi po osnovu ostvarene prosječne ocjene u prethodnoj školskoj godini	5-20 bodova																
	od	4	4,3	4,6	4,9												
	do	4,2	4,5	4,8	5												
broj bodova	5	10	15	20													
bodovi po osnovu ostvarene prosječne ocjene u prethodnoj akademskoj godini	5-20 bodova																
	od	6,5	6,6	6,83	7,06	7,29	7,52	7,75	7,98	8,21	8,44	8,67	8,9	9,13	9,36	9,59	9,82
	do	6,59	6,82	7,05	7,28	7,51	7,74	7,97	8,2	8,43	8,66	8,89	9,12	9,35	9,58	9,81	10
broj bodova	5	6	7	8	9	10	11	12	13	14	15	16	17	18	19	20	
bodovi po osnovu ostvarenih rezultata na takmičenjima	5-20 bodova																
	3.mjesto	10															
	2.mjesto		15														
1.mjesto																	
bodovi po osnovu prosječnih primanja po članu domaćinstva	5-20 bodova																
	1		2														
	3																4 i više
broj bodova (ukoliko su svi članovi domaćinstva zaposleni kandidat ne ostvaruje bodove po ovom osnovu)	5	10	15	20													

Dodatni kriterij bodovanja kandidata za dodjelu stipendije je sljedeći:

	5-20 bodova		
Kandidati po priloženoj neobaveznoj dokumentaciji ostvaruju:	Učenik generacije	Ponos generacije	
studenti prve godine studija koji prilažu odgovarajući dokaz ukoliko su dobitnici priznanja Učenik ili Ponos generacije,	10	5	
dokaze o ukupnim mjesečnim prihodima/primanjima za punoljetne članove porodičnog domaćinstva (izuzev onih koji imaju status redovnog učenika ili studenta)	do 800,00 KM	801,00 – 1000,00 KM	1001,00 – 1500,00 KM
dokaze za roditelje: dijete šehida – poginulog borca, bez jednog ili oba roditelja i RVI-a	20	15	10
dokaz o ličnom invaliditetu kandidata za dodjelu stipendije	dijete bez oba roditelja	dijete šehida – poginulog borca	dijete bez jednog roditelja
	20	15	10
	kandidati sa invaliditetom ostvaruju dodatnih 20 bodova, pored prethodno navedenih kriterija		
			5

Za studente prve godine studija prosjek ocjena se uzima iz završnog razreda srednje škole, a za učenike prvog razreda srednje škole iz završnog razreda osnovne škole.

Za studente prve godine drugog ciklusa studija prosjek ocjena se uzima iz završne godine prvog ciklusa studija.

U slučaju da dva ili više prijavljenih kandidata imaju isti broj bodova, prednost imaju:

- 1) kandidati iz porodica šehida-poginulih boraca, RVI, demobilisanih boraca i bez jednog ili oba roditelja,
- 2) kandidati sa većom prosječnom ocjenom,
- 3) kandidati na višim godinama studija.

IV. PODNOŠENJE PRIJAVE

Prijavu, odnosno zahtjev koji je sastavni dio ovog konkursa zajedno sa traženom dokumentacijom i prijavnim obrascem, lično ili putem pošte, dostaviti na adresu Općine Pale sa naznakom na koverti kako slijedi:

Općina Pale
Komisija za dodjelu stipendija
Himze Sablje br. 33, 73290 Prača
Prijava na konkurs za dodjelu stipendija za školsku/akademsku 2024/2025. godinu

Konkurs ostaje otvoren 15 dana od dana objavljivanja na web stranici Općine Pale, a bit će objavljen na oglasnoj ploči Općine, web i Facebook stranici Radio Prače i na oglasnim pločama mjesnih zajednica Prača i Hrenovica.

Komisija je dužna razmotriti prijave u roku od 7 dana od dana zatvaranja Konkursa za dodjelu stipendija i u narednih 7 dana objaviti rezultati konkursa sa brojem ostvarenih bodova, odnosno rang listu kandidata u prethodno navedenim sredstvima informisanja. Žalbeni rok će biti otvoren 15 dana od dana objavljivanja rang liste, odnosno rezultata konkursa. Neblagovremene i nepotpune prijave neće se uzimati u razmatranje.

Molimo kandidate da ne predaju originalna svjedočanstva srednje škole, diplome, priznanja i ostale bitne dokumente, već ovjerene fotokopije istih jer se isti neće vraćati kandidatima.

Prijavni obrazac i izjave možete preuzeti na pisarnici Općine Pale.

Ukoliko ne bude dovoljno prijavljenih studenata na konkursu za dodjelu stipendija redovnim studentima prvog i drugog ciklusa studija, stipendije će biti dodijeljene učenicima srednjih škola na način da će sljedeći sa rang liste ostvariti pravo na stipendiju.

Prava i obaveze stipendista propisane su Pravilnikom o dodjeli stipendija ("Službene novine Bosansko-podrinjskog kantona Goražde", broj: 9/22). Pravilnik i Konkurs za dodjelu stipendija možete preuzeti na web stranici Općine Pale ili na pisarnici Općine Pale.

